

兒
科
輯
要

注
意

如無力買
人參者用
黨參亦效

癸酉春正月

兒科輯要

北京天華館印

歷來醫術。皆以望聞問切爲口頭禪。獨至幼孩。而技無所施。蓋幼孩言語未通。問之不能答。六脈未全。切之難以準。而病痼失音。彊語難真。亦無以辨其聲聞。於此而欲以人事濟天之窮。惟有望之一法。然正道未闡。雜法先開。世閒幼科。多用摹看食指筋紋。以形色論證候。以透關決死生。雖無應驗。而迷信牢不可破。一遇兒病。不暇致詳。輒以驚風概之。推擦互用。丸散雜投。甚至割肉挑筋。置之死而後已。迨不可治。則委之於證。厥父若母。亦以爲命固如斯。絕無怨悔。是亦小兒之厄也。心竊憫之。爰將所集古聖先賢兒科

祕法。付之天華。公諸世界。以廣仙師保赤之仁。命名
兒科輯要。因兒及母。並將起死回生。有求必應之婦
女回生丹。附刊於後。庶幾大小兩全。老幼兼善。夫至
道自有入德之門。良醫豈無總持之訣。執簡御繁。或
有補於世乎。豈午會十二運
七世第五年中元戊辰歲仲春博施

姚濟蒼序於燕京道場

兒科輯要卷一目錄

頁數

驚風

一

論驚證

陽癩證

稱俗急驚風勿藥良方

二

小兒痰氣壅阻竅隧不開手足逆冷有如風證。

慢脾證

稱俗慢驚風亦稱天弔風亦名虛風亦名陰癩。

三

小兒發癩癩

四

小兒頭搖手勁眼目上視身體發顫或吐而不瀉。

或瀉而不吐。

五

小兒吐瀉之後口噤不出聲手足攣急。

小兒偶感風邪。發熱身顫。手背反張。

一時手足攣掣。口眼嫞張。

疳證

口內流涎。尿如米泔。

小兒口疳流水。口爛神方

大人亦可用

小兒生疳。上下牙牀盡腫。口角流涎。咳嗽不已。咽

喉腫痛。

小兒生疳之後。飲茶水即吐。後則不飲茶水而亦

吐。困弱之極。

吐證

火瀉

身熱如火。口渴舌燥。喜冷飲。不喜熱湯者是。

寒瀉 腹痛而喜手按摩。口不乾而舌滑。喜熱湯而不喜冷飲者是。

論吐瀉由於傷食。亦用前方加減法。

小兒生下不肯食乳。乃心熱也。附方

小兒初生臍汁不乾

小兒初生肚臍突出半寸許

小兒初生月內臍風神效方

小兒感冒風寒方

小兒痢疾神方 附紅白加減法

小兒瘧疾方 附熱多 寒多 晝發熱 腹痛

小兒咳嗽神方

痰多 加味法

夜發熱

十三

十二

十一

小兒便蟲神方

諸蟲皆可治 大人亦可用

小兒蟲積方

小兒有便寸白之蟲。或蛭蛔之蟲。或吐出長短之蟲。種種不一。

十四

小兒有糞門邊拖出長蟲。不肯便下。又不肯進入直腸之內。不痛不癢。

小兒數歲後好喫泥土。

十五

兒生半歲。或一二歲。忽身上。手足上。肚腹上。兩臂上。或頭面上。長成大瘡。久變爲毒。百藥治之。而罔效者。

十六

○驚風

小兒病驚疳吐瀉盡之矣。然而驚疳吐瀉不可不分別言之也。世太動曰驚風。誰知小兒驚則有之。而風則無。小兒純陽之體。不宜有風之入。而狀若有風者。蓋小兒陽旺則內熱。熱極則生風。是風非外來之風。乃內出之風也。內風何可作外風治之。故治風則死矣。法當內清其火。而外治其驚。不可用風藥以表散之也。吾今特傳奇方。名爲清火散驚湯。方用

白朮

三分

茯苓

二錢

陳皮

一分

甘草

一分

梔子

三分

白芍

一錢

半夏

一分

柴胡

三分

右藥水煎三分服。此方健脾平肝之聖藥。肝平則火散。脾健則驚止。又

加去火消痰之品。自然藥下喉而驚風定也。

●論驚證

雷公曰。小兒驚證皆本於氣虛。一作風治。未有不死者。或治風而兼補虛。可以苟全性命。要之斷斷不可作風治。我今特傳奇方。名壓驚湯。

人蔘

五分

白朮

五分

甘草

三分

茯神

一錢

半夏

三分

神麴

五分

砂仁

一粒

陳皮

一分

硃砂

三分

右藥水煎服。此卽六君子之變方也。小兒止有脾病。治脾而驚自定。故用六君子以健脾。少加壓驚之品。奏功如神耳。

●陽癩證

俗稱急驚風

勿藥良方

經驗

小兒先期發熱。忽然怪叫一聲。不省人事。牙關緊閉。壯熱涎湧。眼睛翻白。手足抽搦。面赤氣熱。兼成角弓反張。逾時乃已。數日復發。俗稱急驚風。世醫輒用抱龍丸。截風錠。保赤散等藥投之。流弊滋多。鮮能善其後者。此證未發之前數日。兒體熱度必增。蓋小兒脾胃虛弱。飲食不節。食而不化。積滯生痰。遂致如此。實脾胃證也。本宜清火散驚湯。見第一頁或壓驚湯。見第一頁主之。然有時證起倉卒。措手不及。可趁其病發之際。以一人持兒兩髀腕。將兒倒提。或將兒倒懸抱持。使兒頭向下。口向地。俾痰涎容易流出。另以一人撐開兒口。持剝淨之大葱一根。逕探兒喉取吐。三探三吐。痰去兒卽清醒矣。如無大葱。卽用手指探喉亦可。惟須謹防指甲。勿傷兒喉。惟此法有損胃氣。最好於未發之前。或已過之後。用清火散驚湯。或壓驚湯服之。並須飲食有節。勿恣兒噉。以養脾胃爲要。

○小兒痰氣壅阻竅隧不開手足逆冷有如風證。辨痰證

人以爲慢脾風也。豈知是脾虛而痰盛乎。夫小兒以健脾爲主。脾土不旺。則所食之水穀盡變爲痰。痰氣既盛。則經絡之閒。無非痰結。竅隧閉塞。氣卽不能舒展。脾主四肢。手足屬之。脾氣既不能舒展。自難運動於手足。此逆冷之所以成。而非外風之中也。蓋風性甚動而且急。設使真有風入。則疾風暴雨。勢不可當。安有迂緩舒徐者乎。無奈前人誤立慢驚風之名色。臆造牛黃犀角蛇蠍等藥以療之。遂至殺小兒如草菅。深可痛惜。使早用健脾之劑。少佐以卻痰之藥。則兒皆可活也。方用健土開涎散。

人蔘 五分

茯苓 二錢

陳皮 二分

薏仁 二錢

乾薑 二分

砂仁 一粒

於朮 二錢

天花粉 五分

右水煎服。一劑風定。二劑痰消。三劑全瘳。此方健土以消痰。與六君子湯不相上下。然六君子用半夏以消痰。未免有耗氣之失。不若此方專利脾中之溼。又能通氣溫中。更勝於六君子也。倘執此方。概治小兒之痰。庶幾全活者眾矣。

●慢脾證

俗稱慢驚風亦稱天弔風亦名虛風亦名陰癇

辨證

髮黃

血虧也。

氣短

氣虛也。

面無正色

淡白或青黃。

身熱

夜重晝輕者。

兩目無神

陰虛也。

四肢厥冷

脾胃敗而。

夜輕者

陽虛也。

夜重者

陰虛也。

腹脹

脾胃寒也。

喉有痰聲

脾敗則枯涎無。

兩目無神

極虛。

則脾失元氣

故兩目。

四肢厥冷

脾胃敗而。

口鼻氣涼

內寒。

昏睡露睛

皮眼。

屬脾。脾敗。故睡時眼。

皮不能緊合而露睛。

便溺綠利

大便色綠。小便清利。逾時。

手足癱瘓

血。

筋也。養

又或口脣焦裂出血

身雖發熱

卻不喜於冷飲

血虛而陰。

或吐

或瀉

而吐瀉之物

並皆未甚消化

以上十證

不必全現

但見一

或瀉。而吐瀉之物。並皆未甚消化。

脾胃虛寒也。

以上十證。不必全現。但見一

二種。即可知為慢脾證。倘因循失治。或誤服涼藥。則病必加重。而證現

顛門下陷。虛至極也。鼻孔煽動。真陰失守。虛火鑠肺也。汗出如洗。陽虛而表不固也。頭低不抬。

口噤無聲。不能裹乳。及至角弓反張。血虛筋急也。手足抽掣。血不行於四肢也。則證

成陰癘。而危殆矣。此乃胃寒脾敗陰虛陽絕之證。察兒山根筋色。法見卷二

兒科通論。必相應也。凡小兒吐瀉之後。角弓反張。時而驚悸抽掣。俗稱驚風。

謬誤殊甚。實乃肝剋脾胃之土。而土氣欲絕耳。此時萬不可作風治。一

治風以定驚。則立刻亡矣。宜急救脾胃之土。兼補命門心包之火。方用

續氣湯。

黨參 一兩
白朮 一兩
巴戟天 五錢

肉桂 一錢
生棗仁 三錢
遠志 二錢

茯苓 五錢

乾薑 三分

附子 三分

半夏 一錢

水煎服

右服一劑安。三劑全瘳。此方以十歲為準。每少一歲。遞減十分之一。無論慢脾證如何危險。服之皆立效。蓋慢脾證乃虛證也。

陳士鐸辨證錄

○小兒發癩痢

俗稱羊羔風

辨證錄

有小兒易於發癩痢之證者。雖起於飲食之失宜。亦由於母腹之中。先受驚恐之氣也。故一遇可驚之事。便跌仆吐涎。口作豬羊之聲。世皆謂是豬羊之癩。用祛痰搜風之藥而益甚。絕不悟小兒脾胃之虛弱。而一用補劑也。健脾扶胃之道。尙然不識。又何能悟其先天之虧損。而大補其命門膻中之火乎。所以愈止驚而驚益甚。愈治癩而癩更多也。治之

法。宜補其脾胃之土。而更補命門之火。以生脾。復補臍中之火。以生胃。不必治痰。而痰自消化於烏有也。方用四君子湯加減。

人 蓯 一錢

茯 苓 三錢

白 朮 二錢

甘 草 一分

附 子 一片

半 夏 八分

白 微 三分

水煎服

右服一劑卽止驚。而癩亦卽瘳。四君子湯原是補脾胃之聖藥。脾胃旺而驚風自收。原不必用鎮定之藥以止之也。况加附子無經不達。而更能直補命門臍中之火。以生脾胃二經之土。則土更易旺。而痰更易消。且又益之半夏以逐其敗濁。白微以收其神魂。又安得而動癩哉。

●小兒頭搖手勁。眼目上視。身體發顫。或吐而不瀉。

或瀉而不吐。

辨證錄

人以為驚風之抽掣。其實乃風熱溼三者合之以成瘧也。治法惟補其脾胃而止其吐瀉。則十人十生也。方用救兒回生湯。

人 蔘 二錢

白 朮 三錢

茯 苓 一錢

砂 仁 三粒

乾薑炭 五分

山 查 五粒

萊菔子 五分

厚 朴 三分

神 麩 三分

半 夏 五分

車前子 一錢
布包

水煎服

右方以十歲為準。五歲者減半。一劑即吐瀉止。二劑即抽掣定。三劑即全愈。此方補中有利。調和於脾胃之內。則陰陽有既濟之歡。自然無變動之害矣。或曰補之是矣。少加去風散熱之藥未為不可。夫熱當夏令。

或可少加黃連數分以解其暑。若值冬令。更當增入辛熱之品。蓋小兒吐瀉之後。熱必變寒。况加時令之嚴寒乎。斷不可用寒涼也。至於風藥。毋論四時俱不可亂增。萬不得已。少加柴胡二三分可也。

○小兒吐瀉之後。口噤不出聲。手足攣急。

辨證錄

人以為驚風之搖擗也。誰知是脾胃寒虛之痙病乎。小兒純陽。先天腎氣原自完固。無如後天之斲喪也。人生後天以脾胃為主。小兒喜食生冷。傷其後天。而先天亦損。自然變證紛紜。吐瀉之後。無津液以潤腸胃。更有何氣以運動四肢乎。此手足攣急搖擗之所以現也。治法可不急治肝以救脾胃之虧乎。方用活兒湯。

白芍 二錢

茯苓 五錢

人參 二錢

白朮 三錢

梔子 五分

麥芽 五分

枳壳 三分

半夏 五分

甘草 一分

神麩 五分

水煎服

右一劑攪急搖搗之證止。二劑口噤之聲出。三劑全愈。此方平肝之氣以扶其脾胃之土。脾胃之氣生。而肺氣自旺。足以制肝。何風火之不息哉。或謂肺弱不能制肝。自宜補肺。不知用補肺之藥。必用潤劑。不又助脾胃之溼乎。瘧病正苦溼也。方中用茯苓之多。正去其溼。而反可用溼乎。故不若平肝以安肺。不可潤肺以害脾胃耳。

●小兒偶感風邪。發熱身顫。手背反張。

辨證錄

人以爲驚風之角弓反張。其實乃瘧病中之寒邪也。治法補其正氣。而

少加散邪之味。寒既易解。臟腑不傷。手到便可奏功。方用護子湯。

人 蓩 一錢

茯 苓 三錢

白 朮 一錢

柴 胡 五分

桂 枝 二分

水煎服

右一劑驚定。不必再劑。亦何方法之神乎。蓋小兒初傷風寒。必先從太陽而入。今用桂枝柴胡兩解其太陽少陽之邪。則邪不敢遁入於陽明。况有人蓩以固其脾胃之氣。則邪尤不敢入於中宮。加入白朮以利腰臍。茯苓以通膀胱。則邪從外入者即散。即無外邪而柴胡以舒肝氣。桂枝以煖脾胃之土。正有利益。又何損哉。無如世不知此等治法。妄捏驚風名色。輕施發散鎮墜之味。以至殺兒無算。醫工不悟。而病家未知。皆委於天數而不責其誤。誰知萬鬼啼號於夜臺哉。吾願世人盡消滅驚

風二字名目。庶幾小兒之福乎。

● 一時手足捧掣。口眼疳張。

辨證錄

人以爲中風之證也。誰知是瘳病之驟發乎。夫中風病。身必顛覆。口必吐痰。瘳病狀如中風。而身必不顛覆。口中喉內必無痰涎之出入。與水雞聲也。蓋中風無風。風從內起。瘳病則風從外入。風自成威。不必借重內痰之助。所以但有牽掣疳張之風象。絕無洶湧祕塞之痰聲也。若風自內起者。火動生風。痰以助之也。故中風無外邪。瘳病無內邪也。無外邪者不可治風。無內邪者不可不治風耳。然單治外而不治內。則外風雖去。內風必生。是以卻風必須補正也。方用補中益氣湯。

人 蓯 一錢

白 朮 三錢

黃 耆 二錢

當歸 三錢

柴胡 三錢

升麻 四分

陳皮 一錢

甘草 一錢

右水煎服。一劑而牽掣定。再劑而癩張正。三劑不再發。夫補中益氣湯。補氣之藥。非卻風之劑。乃用之以治瘧瘵之風。反以奏功者。何故乎。蓋氣虛則風易入也。補其氣則正旺足以卻邪。方中用柴胡原能卻邪也。少用之於補藥之中。則能提氣以衛正。多用之於補藥之中。則能益氣以卻邪。故用至三錢而風難再留矣。何必更借重他藥散風之多事哉。世人但知獲歸耆朮之多用以補正。絕不知柴胡多用於獲歸耆朮之中尤易卻邪。余所以特表而出之也。

● 疝證

疳證乃脾熱也。然亦因心熱而脾火旺極。遂至口中流涎。若不平其心火。則脾火更旺。而溼熱上蒸。口涎正不能遽止。治法不可徒清脾火。而當先散心火。方用止疳散。

蘆薈

一錢

黃連

三分

薄荷

三分

茯苓

二錢

甘草

一分

半夏

三分

桑白皮

一錢

右藥水煎三分服。此方心脾兩清之聖藥。不專清脾。引水下行。則溼熱自去。溼熱去。疳病自瘳。

○治小兒口疳流水口爛神方

黃

柏

二錢

人

參

一錢

右藥共爲細末敷口內。二日卽瘳。一匙一次。一日不過用三次而已。小

兒之疳。皆虛熱也。用黃柏以去火。人參以健脾土也。大人亦可用。神效。

●小兒生疳。上下牙牀盡腫。口角流涎。咳嗽不已。咽

喉腫痛。

辨證錄

此證人以爲疳證脾熱也。誰知是胃火之上升乎。夫既是胃火。宜用瀉火之藥。瀉火而不效者。以火過於盛。將陽變爲陰矣。故用降火之藥。以瀉火。而火不降。轉至困憊者。正內經所謂壯火食氣也。蓋少火宜瀉。而壯火宜補。不補胃而治火。反瀉火以損胃。安得而不加困憊哉。治之法。補其胃氣之虛。少加息火之味。則疳證不治而自瘳矣。方用平肝湯。

茯苓 三錢
白朮 一錢
陳皮 二分

神麴 五分
麥冬 二錢
玄參 二錢

桔梗 一錢

蘇葉 三分

人蔘 三分

黃芩 三分

枳殼 二分

水煎服

右服一劑輕。二劑又輕。三劑而疝證瘳。四劑不再發也。此方補胃以散火。而火自平者。以火出於土之中也。土健而火藏。土衰而火現。故補其火。而火藏於下。又何至上升於口頰之閒乎。况方中有解火之味。在於補之內。則土引火而自歸。火亦隨土而自戢矣。

●小兒生疝之後。飲茶水卽吐。後則不飲茶水而亦吐。困弱之極。

辨證錄

此證人以爲熱吐也。誰知是熱變寒而吐乎。夫疝證本熱也。疝久則寒者。以胃土之傷。土衰則火旺。火旺則土益衰。土益衰而前火之旺自減。

火土兩衰。安得不寒乎。况小兒最喜生冷。自然作吐矣。故止吐以健胃爲主。單用止吐之藥。吾未見其能止。卽偶止吐於一時。未必不重吐於後日。惟健胃以止吐。則胃強而吐不再犯也。方用六君子湯加味治之。

人 蓯 一錢

白 朮 二錢

茯 苓 二錢

甘 草 一片

半 夏 五分

神 麩 三分

陳 皮 三分

白 豆 蔻 一粒

水煎服

右服一劑卽止吐。二劑全癒。此方健胃以止嘔。治大人尙有神功。况小兒乎。小兒嘔吐。世人視爲輕證。往往不以爲意。變成大病。而不可救。以胃氣之傷。不能生養。夫四肢。而角弓反張之病現。乃因虛而成之也。今以此方扶其胃氣。胃健而飲食能受。既無嘔吐之傷。自有灌注之益。又

何至有驚風之病哉。

●吐證

吐證雖胃氣之弱。亦因脾氣之虛。蓋小兒恣意飽餐。遂至食而不化。久而停積於脾中。又久之而上沖於胃口。又久之而大吐矣。故治吐必先治胃。而治胃尤先治脾。吾有奇方。止吐速效。方名定吐湯。

人蔘 一錢

砂仁 一粒

白朮 五分

茯苓 二錢

陳皮 二分

半夏 一分

乾薑 一分

麥芽 五分

山查 三粒

右藥水煎服。夏月加黃連三分。冬月加乾薑三分。無不癒者。此方即六君子之變方。乃治脾胃之聖藥。脾胃安而化導速。自然下行。不至上吐。

况方中加減得宜。消積有法。有不奏功如神乎。

●火瀉

瀉證則專責之脾矣。論理亦用前方。可以取效。然而瀉有不同。有火瀉。有寒瀉。不可不分。火瀉者。小兒必然身如火熱。口渴舌燥。喜冷飲而不喜熱湯。若亦以前方投之。則益苦矣。予另有奇方。名爲瀉火止瀉湯。方用

車前子 二錢

茯苓

苓 一錢

白

芍 一錢

黃

連

三分

澤瀉 五分

豬

苓 三分

麥

芽 一錢

枳

殼

二分

右藥水煎服。一劑卽止瀉。車前茯苓澤瀉豬苓皆止瀉分水之聖藥。白芍以平肝。使不來剋脾。黃連清心火。不來助脾之熱。而麥芽枳殼消滯

氣以通水道。不必止瀉。瀉自止也。

寒瀉

寒瀉者。腹痛而喜手按摩。口不乾而舌滑。喜熱湯不喜冷飲。又不可用瀉火之湯。五苓散可也。然而五苓尚欠補也。蓋小兒致於熱瀉。未有大傷脾氣者。脾氣既傷。非人參不能救。五苓散無人參。僅能止瀉。元氣未能頓復。我今傳一奇方。名為散寒止瀉湯。方用

人蔘 一錢

白朮 一錢

茯苓 二錢

肉桂 二分

甘草 一分

乾薑 二分

砂仁 一粒

神麴 五分

右藥水煎服。此方參苓白朮。乃健脾補氣之神品。分溼利水之能藥也。又加肉桂乾薑以卻寒。砂仁甘草神麴以調和之。則寒氣自然越出。而

泄瀉立止矣。

●論吐瀉

小兒吐瀉。傷食之故也。蓋飲食飽餐。自難一時消化。不上吐必下瀉矣。亦用前方六君子湯。但吐者去甘草加砂仁。瀉者加車前子治之。自能奏功於俄頃。倘不知補脾。而惟圖消剋。非救兒生。乃送兒死矣。

●小兒生下不肯食乳

小兒生下不肯食乳者。乃心熱也。葱煎乳汁。令小兒服之亦妙。終不若用黃連二分。煎湯一分。灌小兒數匙。卽食乳矣。

●小兒初生臍汁不乾

小兒初生。臍汁不乾。用車前子炒焦爲細末。敷之卽乾神效。

●小兒初生肚臍突出半寸許

小兒初生。肚臍突出半寸許。此氣旺不收也。若不急安之。往往變爲角弓反張。方用

茯苓 一錢

車前子 一錢

甘草 二分

陳皮 三分

通草 三分

如無通草。用燈心一團。共煎湯灌之。一劑卽安。神方也。

●小兒初生月內臍風神效方

集驗良方

如發臍風者。看小兒臍上定起有青筋一條。自臍而上。指心口。若此筋已至心。十難救一二矣。看此筋未至心口時。用艾團在青筋頭上灸之。此筋卽縮下寸許。再從縮下之筋上灸之。此筋卽消病瘳。屢試屢驗。艾

團不過如赤豆大。或如麥子大。

●張仲景傳治小兒感冒風寒方

柴胡 五分

白朮 一錢

茯苓 三分

陳皮 二分

當歸 八分

白芍 一錢

甘草 三分

半夏 三分

右藥用水一鍾。煎半鍾。熱服。一劑即瘳。不必再服也。

●治小兒痢疾神方

當歸 一錢

黃連 二分

白芍 一錢五分

枳殼 五分

檳榔 五分

甘草 三分

右藥用水一鍾。煎半鍾。熱服。一劑輕。二劑瘳。紅痢加黃連一倍。白痢加澤瀉三分。腹痛倍加甘草。多加芍藥。小便赤加木通三分。下如豆汁加

白朮一錢。傷食加山查麥芽各三分。氣虛加人參三分。此方通治小兒痢疾。加減之。無不神效。

●治小兒瘧疾方

柴胡 六分

白朮 一錢

茯苓 一錢

歸身 一錢

白芍 一錢五分

半夏 五分

青皮 五分

厚朴 五分

右藥用水一鍾煎半鍾。露一宿。再溫之。與兒服。熱多加人參黃芪各五分。寒多加乾薑三分。痰多加白芥子一錢。夜發熱加何首烏熟地各二錢。日閒發熱不用加。腹痛加檳榔三分。

●治小兒咳嗽神方

蘇葉 五分

桔梗 一錢

甘草 一錢

右藥用水一酒鍾。煎五分熱服。二劑卽全瘳。有痰加白芥子五分可也。

●治小兒便蟲神方

諸蟲皆可治

榧子

五箇
去殼

甘草

三分

右藥共爲細末。米飯爲丸。服完蟲盡化爲水矣。大人亦用此去蟲。蓋榧子最能殺蟲。又不耗氣也。然食多則傷脾。

●治小兒蟲積方

史君子

十箇
去殼炒香

檳榔

一錢

榧子

十箇
去殼

甘草

一錢

右藥各爲細末。合研極勻。米飯爲丸。如桐子大。與小兒十九丸服之。二日卽便蟲。五日全瘳。神方也。

●小兒有便寸白之蟲。或蛭蛔之蟲。或吐出長短之

蟲種種不一。

陳士鐸方

此證人以爲溼熱之蟲也。誰知是脾胃之傷乎。小兒最喜食生冷之物。自是溼熱無疑。然使脾胃氣健。雖有溼熱。自易分消。惟其脾胃之氣傷。則難於運化。不生津液而生蟲矣。倘徒治蟲而不補其脾胃。則脾氣不能消。胃氣不能化。蟲且安居無恙。又何能殺蟲哉。惟補其脾胃之氣。則氣旺而自能制蟲。况又佐之殺蟲之藥。蟲將何隙逃死乎。此治之法。必須補中用攻也。方用治蟲丹。

白 朮 三錢

茯 苓 三錢

甘 草 二分

白 微 二錢

史君子 十箇

枳 殼 五分

白 芍 三錢

百 部 一錢

檳 榔 五分

黃連二分 半夏五分 水煎服

右服二劑而蟲盡化爲水矣。但服藥之後。必須忌飲湯水茶茗。此方殺蟲之藥雖多。然入之健脾平肝之劑內。則正氣無傷。而蟲又盡殺。乃兩得之道也。

○小兒有糞門邊拖出長蟲。不肯便下。又不肯進入。直腸之內。不痛不癢。

陳士鐸方

此證人以爲蟲口咬住也。誰知乃崇憑之乎。夫蟲口咬住必然作痛。今安然如故。豈蟲口之自咬耶。蟲既不咬。宜隨糞而自下。今不下而留半截於中。非崇憑而何。病既崇憑。宜非藥物可治。然而人有一念之悔心。醫卽有一種之治法。使人苟遷善而求醫無藥。又何以見吾道之大哉。

况父母未有不愛其子者。見其子生蟲之異。未必不疑自身之譴尤。而畏鬼神之作祟。或告天而代爲請禱。或信佛而自訴祈求。若使醫無以應之。不幾阻人改過之門乎。鐸受異人之傳。用藥外點蟲身。則立化爲水。方名點虬丹。

水銀 一錢

冰片 一錢

硼砂 一分

雄黃 三分

樟腦 一錢

輕粉 三分

白芷 一錢

薄荷葉 三分

右各研極細末。合研極勻。以不見水銀星爲度。水調少許。點蟲頭或身上。少刻卽盡化爲水。但點藥之時。必虔拜上天。然後點之。則驗。否則或驗或不驗也。不須內服煎藥。至奇之方也。余恐負異人之傳。故罄書之。

辨證論後。異人者。余遊南岳所逢道士。自號雷公。狀貌殊異。傳鐸活人錄。奇方最多。此方則一也。

●小兒數歲後好喫泥土。

此證人以爲胃氣熱也。誰知是肝木之旺乎。肝木過旺。來剋脾胃之土。而土虛不能敵肝。思得土以助脾胃。故見泥土而思食也。治之法。平其肝木之旺。補其脾胃之虛。則土氣無虧。自然見土而不嗜矣。方用六君子湯加減治之。

人 蔞 一錢

茯 苓 三錢

甘 草 五分

陳 皮 五分

半 夏 三分

白 朮 五錢

黃 芩 五分

白 芍 五錢

黃 土 三錢

右水煎服。一劑而肝氣平。二劑而脾胃之氣轉。四劑不思食泥矣。此方原是健脾胃之聖藥。加入黃芩以清火。加入白芍以平肝。肝平火清。而脾胃自得其養矣。尤妙加入黃土者。借土氣以安脾。投其所好。而六君子諸藥。亦足以展其健運之功耳。

○兒生半歲。或一二歲。忽身上。手足上。肚腹上。兩臂上。或頭面上。長成大瘡。久變爲毒。百藥治之。而罔效者。

陳士鐸真人方

此非小兒之毒。乃父母之毒也。當時結胎。或感楊梅之惡氣。及其坐胎之後。或感淫毒之火邪。遂致貽害於小兒。治之不得其法。半多死亡。實可憫也。吾逢異人之傳。治胎毒小兒。已數十人矣。皆服之得生。我不傳

方。不特失異人傳鐸之善心。而且使小兒可救之病。以不得吾方而失援。則小兒之死。不猶鐸之殺之乎。鐸則何敢。故寧傳世。使世服此方。而嘆。或有不效。斷不可不傳。使世之怨無方以救子也。方用

金銀花 二兩

生甘草 三錢

人 蓀 一錢

天花粉 二錢

黃藥子 三錢

錦地羅 三錢

右水煎服。二劑而毒全消。倘外口不癒。另有外治之方。用

蝸 牛 二錢

生甘草 三錢

冰 片 一錢

兒 茶 三錢

輕 粉 一錢

麝 香 三分

地龍糞 五錢

樟 腦 三錢

黃 丹 三錢

水 粉 三錢

枯 礬 三錢

各為絕細末

右合研極勻。日以麻油調敷瘡口上。不須數日。自然瘡內生肉。而瘡口外斂。真神方也。輕者用前方。而不必用外治。重者內外合治。無不速瘥矣。鐸從萬世起見。將仙方輕易傳世。願世人廣傳。體鐸之心爲心。慎勿自試爲奇。隱而不傳。以受天譴也。

兒科輯要卷二目錄

頁數

兒科通論

一

第一方通治小兒脾胃病

附加減法

二

第二方通治小兒外感證

傷風傷寒或咳嗽痰多或驚悸

發熱或不發熱角弓反張

頭痛或鼻塞

均效

附治後列各證加減法

頭痛

心痛

手不可按者乃實火也 按之不痛者乃虛火也

脅痛

腹痛

手按而痛者食也 按而不痛者寒也

汗出不止者

眼痛而紅腫者

喉痛

第三方通治虛寒之證

夜熱出汗 夜啼不寐 龜背狗肚將成癆瘵等證

怔忡

久咳不已 行遲語遲 兼有外感之加味法

均效

兒科祕法

山根有青筋直現者

山根有青筋橫現者

山根有紅筋直現者

山根有紅筋斜現者

山根有黃筋現者不論橫直如皮黃即黃筋也

附有痰 有熱 有寒 吐加減法

瀉 腹痛 發熱

山根現黃筋而身發熱者神方附加味法

四季 有食 有痰 有疳者用治脾胃方加味法瀉 吐 有驚

驚疳吐瀉統治法

大吐之後忽然大瀉

上吐下瀉眼睛上視危在頃刻

小兒雞胸犬肚將成癆瘵之證

四

五 六 七

岐天師兒科通論

兒科得其要。無難治人。今傳一法門。使萬世小兒盡登仁壽。法在先看氣色。後看脈。小兒有疾。其顏色必鮮艷。以鼻之上。二目中。山根處辨之。

色紅者。心熱也。紅筋橫直現於山根。皆心熱也。

色紫者。心熱之甚。而肺亦熱也。

色青者。肝有風也。青筋直現者。乃肝熱也。青筋橫現者。亦肝熱也。直者風上行。橫者風下行也。

色黑者。風甚而腎中有寒。

色白者。肺中有痰。

色黃者。脾胃虛而作瀉。黃筋現於山根。不論橫直。總皆脾胃之證。止有此數色。無他顏色。故一覽而知小兒之病矣。大人看脈於寸關尺。小兒何獨不然。但小兒不必看至數。止看其數與不數耳。數甚則熱。不數則寒也。數之中。浮者風也。沈者寒也。緩者溼也。濇者邪也。滑者痰也。如此而已。七表八裏俱不必去看。自知吾訣。則脈訣亦不必讀也。有止歇者。乃痛也。餘亦不必再談小兒證。大約吐瀉厥逆風寒暑熱而已。其餘痘疹瘡。瘡亦稱痧餘無他病。或心疼腹痛。或有痞塊。或有瘡疔。可一覽而知也。然而小兒之病。虛者十之九。實者十之一。故藥宜補爲先。今立三方。通治小兒之諸證。

第一方。通治小兒脾胃弱病神效。此六君子加減。

人參 三分

白朮 五分

茯苓 一錢

甘草 一分

陳皮 二分

神麴 三分

半夏 一分

右藥水煎服。如傷肉食加山查五粒。傷米食加麥芽五分。傷麪食加蘿
蔔子三分。吐加白荳蔻一粒。生薑三片。去甘草。瀉加乾薑三分。豬苓五
分。

第二方。治外感。或傷風傷寒。或咳嗽。或發熱。或不發熱。或頭痛。或鼻塞。
或痰多。或驚悸。或角弓反張。皆以此方通治之。無不神效。方用

柴胡 七分

甘草 三分

桔梗 五分

半夏 三分

黃芩 三分

白芍 二錢

白朮 二錢

當歸 五分

陳皮 二分

茯苓 五分

右藥水煎服。頭痛加蔓荊子三分。心痛手不可按者。乃實火也。加梔子一錢。按之不痛者。乃虛火也。加甘草八分。貫仲五分。廣木香三分。乳香一分。脅痛加芍藥三錢。腹痛須以手按之。手按而痛甚者。乃食也。加大黃一錢。按之而不痛者。乃寒也。非食也。加肉桂三分。乾薑三分。汗出不止者。加桑葉一片。眼痛而紅腫者。乃火也。加黃連三分。白蒺藜一分。喉痛加山豆根三分。

第三方。治虛寒之證。夜熱出汗。夜啼不寐。怔忡。久嗽不已。行遲語遲。龜背狗肚。將成癆瘵。等證。方用

熟地 三錢

山茱萸 二錢

麥冬 二錢

北五味 五分

玄參 二錢

白朮 二錢

茯苓 一錢
薏仁 三錢
丹皮 一錢

沙參 二錢
地骨皮 二錢

右藥水煎服。倘兼有外感。少加柴胡五分。白芍三錢。白芥子一錢。餘無可加減矣。

●兒科祕法

山根之上。有青筋直現者。乃肝熱也。方用

柴胡 三分
白芍 一錢
當歸 五分
半夏 三分

白朮 五分
茯苓 一錢
山查 三粒
甘草 一分

水煎服

有青筋橫現者。亦肝熱也。但直者風上行。橫者風下行。亦用前方。多加

柴胡二分。加麥芽一錢。乾薑一分。即可。

有紅筋直現者。乃心熱也。亦用前方。加黃連一分。麥冬五分。去半夏。加桑白皮三分。天花粉二分。

有紅筋斜現者。亦心熱也。蓋熱極於胸中耳。亦用前方。去半夏。加黃連二分。桑白皮三分。天花粉二分。

有黃筋現於山根者。不必論橫直。如皮黃。卽黃筋也。總皆脾胃之證。或水瀉。或上吐。或下瀉。或腹痛。或不思飲食。余定一方。皆可服之。無不神效。方用

白朮

五分

茯苓

五分

陳皮

二分

人參

二分

神麴

一分

麥芽

二分

甘草

一分

右藥用水一鍾。煎半酒盞。分二起服。加淡竹葉七片。有痰加半夏一分。或白芥子二分。或天花粉二分。有熱如口渴者是。加麥冬三分。黃芩一分。有寒加乾薑一分。吐加白荳蔻一粒。瀉加豬苓五分。腹痛如小兒自家捧腹者是。須用手按之。大叫呼痛。乃食積也。加大黃三分。枳實一分。如按之不痛不呼號者。乃寒也。再加乾薑三分。如身發熱者。不可用此方。

●山根現黃筋而身發熱神方

予另立一方。名萬全湯。凡小兒發熱者。毋論夜熱早熱晚熱。用之無不神效。方用

柴胡

五分

白芍

一錢

當歸

五分

白朮

三分

茯苓 二分

甘草 一分

山查 三粒

黃芩 三分

蘇葉 一分

麥冬 一錢

神麩 三分

右藥用水一鍾。煎半酒鍾服。或分二起服。冬天加麻黃一分。夏天加石膏三分。春天加青蒿三分。秋天加桔梗三分。有食加枳殼三分。有痰加白芥子三分。瀉加豬苓一錢。吐加白荳蔻一粒。小兒諸證。不過如此。萬不可作驚風治之。有驚者。此方加人參五分。卽定驚如神。有疳者。用脾胃方。見第三頁後面加蒲黃三分。黃芩三分。可也。

●驚疳吐瀉統治法

兒科之病。驚疳吐瀉爲多。四者又相爲終始。大約因疳而成吐。因吐而成瀉。因瀉而成驚。故小兒口內流涎乃疳之兆也。起首卽治疳。而吐瀉

之證不作。又何至於驚證之生哉。夫小兒純陽之體。原無損於陰氣。而胃屬陽。脾屬陰。惟其失治疳證。胃氣受傷而傷陽。故亦連帶及脾。而並傷陰也。人生後天。以脾胃之氣爲主。脾胃兩傷。無氣以養心。而驚之證起矣。是驚乃虛病。而非有外風之入也。然則吐瀉驚俱脾胃之虛寒。而疳乃脾胃之實熱也。不知小兒因多食水菓。以致口熱而成疳。口熱似乎陽旺也。然而陽極則變爲陰矣。故疳證既久而作吐。正陽變爲陰之驗也。可見驚疳吐瀉俱是虛證。補脾胃而四病皆易瘳也。世醫分驚爲風。分疳爲熱。分吐瀉爲寒。亦未深知小兒之證耳。吾今單治脾胃之虛。而四證不必治而自瘳也。方用活兒丹。

人

參 二錢

白

朮 一錢

甘

草 一分

茯苓 二錢
陳皮 一分
巴戟天 一錢

白芍 一錢
柴胡 二分
當歸 五分

山查 五分
神麴 三分
水煎服

一劑而驚疳吐瀉無不即安。二劑全瘳。三劑不再發也。此方健脾開胃。又能平肝。使肝亦無鬱沸之患。自能疏通土氣。變剋土之肝。反爲益土之肝矣。脾胃無非生氣。而吐瀉自止。何至四肢無養。變成角弓反張之急慢驚風哉。
陳士鐸辨證錄

●大吐之後忽然大瀉

小兒大吐之後。忽然大瀉。雖吐止而瀉不肯止。倦怠之極。人以爲吐變瀉則其氣順矣。誰知其氣愈逆乎。夫吐能傷胃。而瀉乃傷脾也。氣順宜

吐止而瘥矣。今吐止而大瀉。乃胃傳於脾。由腑而入臟。是由表而入裏也。較吐更甚。蓋吐證補胃而可瘥。而瀉證宜兼補脾。雖脾胃有同治之法。補胃自必補脾。但吐後作瀉。則補脾必須補胃也。方用生脾助胃湯。

人參 三錢

白朮 三錢

甘草 二分

肉桂 一錢

茯苓 五錢

神麴 五分

附子 一片

水煎服

一劑而瀉止。二劑全瘥。倘服之不應。不必治之矣。此方治小兒之瀉。效驗如神。百人中可救九十。彼不應者。乃陰陽兩絕之人也。非藥之過耳。世人見參附如砒毒。不敢浪用。醫生用之。亦輒抵毀。自陷於死亡。哀哉。

陳士鐸辨證錄

○上吐下瀉眼睛上視危在頃刻

小兒上吐下瀉。眼睛上視。死亡頃刻。乃是脾胃之氣將絕。小兒至此。亦人鬼之關也。若用牛黃抱龍等丸。下喉卽死矣。夫脾胃之氣將絕。是陰陽之氣欲脫也。非急救其氣。何能再活。救氣之藥。舍人參無第二味也。世閒之藥。無過人參。用至四五錢。以救嬰兒之吐瀉。無論近人無此膽氣。卽古人亦無此方法。毋怪嬰兒之多亡也。予逢異人教訓。救小兒垂危之證。惟有多用人參。可變危爲安。試之無不奇效。蓋小兒脾胃虛寒。以致上吐下瀉。正至危之證也。宜多人參以救之。方用安兒至寶湯。

人參 五錢

白朮 五錢

茯苓 三錢

巴戟天 三錢

附子 一錢

麥芽 一錢

枳殼 三分

檳榔 三錢

車前子 二錢

白苳蔻 二錢

扁豆 二錢

萊菔子 一錢

水煎服。一劑吐止。再劑瀉止。三劑全瘳。此方全在用參附之多。所以能奪命於將危。以人參能回陽于既絕。附子能續陰于已亡也。然非羣藥佐之。則陰陽不能分清濁。而積穢亦不能卻除耳。故用參朮以補氣。少卻除。自能奏功。否則烏可已傷而再傷。已絕而重絕乎。世人但尙卻除。全不識補中用攻之法。所以勞而無功也。

辨證錄

○小兒雞胸犬肚將成癆瘵之證

雷公曰小兒之方。單顧其胃。天師已有神方傳世。今再立一方。亦治腎以生土也。論小兒純陽不宜補腎。不知小兒過於飲食。必至傷胃。久之胃傷而脾亦傷。脾傷而肺金亦傷。肺金傷而腎水更傷矣。此非一朝

夕之故也。小兒至腎水之傷。則癆瘵之證起。雞胸犬肚之證現。苟仍施以治胃之方。未能見功。雜然攻利之藥並進。夭殤可憫。今立一方。治小兒腎藏之損。實有奇功。方名全幼丸。

熟地 二兩

麥冬 一兩

山藥 三兩

芡實 三兩

車前子 一兩

神麴 五錢

白朮 一兩

鱉甲 三兩

茯苓 一兩

地栗粉 三兩

生何首烏 三兩

各爲細末

右煉蜜爲丸。每日白滾水送下三錢。服完一料。前證盡瘳。實可佐天師之未逮也。

兒科輯要卷三目錄

頁數

岐伯天師論痘證治法

一

第一日方

小兒身熱眼如醉眼者乃出痘之兆宜用之。

第二日方

身熱眼醉已經二日或兒身現點時用之。

第三日方

身熱眼醉已經三日或一身盡現紅點時用之。一一

第四日方

身熱眼醉已經四日或盡皆灌漿時用之。

第五日方

倘兒食過多別生他病時用之。

錢真人傳痘瘡神方

無論初起灌漿收靨俱用之神妙無比。三二

張仲景傳治痘法

痘瘡初起方附預防入眼入喉加味法

痘瘡出齊方附各種徵候加減法

痘瘡將回方附各種徵候加減法

秦真人傳治痘瘡壞證方

天醫雷公傳治痘瘡壞證方

岐伯天師傳治痘瘡回毒方

仙傳認痘疔訣及鍼灸法

製二妙丹方

痘神鍼式

灸鍼法

用鍼手法

眼珠上出痘

痘瘡發癢

岐伯天師傳治水痘方

亦治熱證而有水氣者。附加味法。

神效稀痘方

八

止痘丹

張仲景傳治四時疹方審證加味法

九

岐伯天師傳治夏日發疹方

天醫雷公傳疹證初起預兆及治法

小兒發熱二三日。肌膚之間。隱隱發出紅癍點。如物影之搖動。時有時無者。此影疹也。

十

小兒出疹。口中大渴。父母暢與之水。快甚。遂恣其
酣飲。乃嘔吐不止。因變瀉痢。喘嗽不寧。小便不
利。陰囊浮腫。脅痛筋軟。膨脹之證生。十一

小兒發疹之後。牙根潰爛。肉腐出血。臭穢冲鼻。二十

溫毒發癩與疹子不同辨
天醫雷公傳治溫毒發癩方

俗稱瘟疹。西醫名爲猩紅熱。

論痘證

天師曰。今人看痘爲難治。不知得其法則無難也。初起之時。不論身弱身強。先以補氣補血之藥爲君。加之發散之藥。則重者必輕。而輕者必少。無如世人皆以寒涼之品爲主。又助以劫散之味。此所以輕變重。重至死也。吾今傳五方。朝夕服之。至七日無不結靨。永無回毒之證。十人十活。不殺一小兒也。

第一日方

見小兒身熱。眼如醉眼者。此出痘兆也。若不是醉眼。則非出痘。不可用此方。用治外感方治之。若見醉眼。急投此方。則痘點卽現。必不待三日而自出也。方用

黃芪 三錢
白朮 一錢
甘草 一錢
當歸 二錢

川芎 二錢
茯苓 三錢
柴胡 一錢五分
升麻 五分

麥冬 二錢
玄參 三錢
陳皮 五分
荊芥 一錢

先用金銀花五分。水三盃。煎湯二盃。再煎藥至五分。與小兒飲之。

此方五歲以上。俱照此分兩。五歲以下減半。週歲內者又遞減之。服此藥自然神思清爽。病家不肯服。勸其速服。包其速瘳。不妨身任之。服後見點。再用第二日方。

第二日方

白朮 二錢
麥冬 三錢
甘草 一錢

桔梗 二錢
當歸 五錢
生地 五錢

玄參 三錢

柴胡 一錢

升麻 三分

荊芥 一錢

茯苓 二錢

白芍 三錢

白芥子 二錢

金銀花 三錢

右藥水煎服。服此藥後。一身盡現點矣。其色必紅。而無色白色黑之虞矣。

第三日方

人參 五分

白芍 三錢

白朮 二錢

茯苓 三錢

玄參 二錢

神麴 三分

丹皮 一錢

右藥水煎服。此方服後。盡皆灌漿。無不氣血充足。決無退證危險矣。再服第四日方。

第四日方

人參 一錢

當歸 二錢

熟地 五錢

茯苓 三錢

金銀花 三錢

陳皮 五分

甘草 一錢

玄參 三錢

白朮 三錢

白芍 二錢

神麩 五分

右藥水煎服。小兒服此方後。必然口健。要喫食不已。不妨少少頻與。亦不可多食也。如此。第五方可不必用矣。然更傳之者。恐小兒多食。別生他病。故又傳第五方。

第五日方

人參 一錢

茯苓 三錢

白朮 二錢

甘草 一錢

右藥水煎服。有食加麥芽五分。山查五粒。若不傷食。止加金銀花三錢。能服此五方。期七日前而回春也。以上小兒年歲小者。俱照第一方減法減之。如小兒已身熱三日。則用第三方。四日則用第四方。

如或壞證豆瘡黑陷另用壞證方。 詳第五頁

●錢真人傳痘瘡神方

此方不論初起、灌漿、收靨、俱用之。神妙無比。

人參 一兩
白朮 八錢
茯苓 五錢

陳皮 三錢
白芍 一兩
生甘草 三錢

玄參 八錢
蟬退 一錢
柴胡 二錢

黃連 五分
神麴 三錢
山查肉 二錢

右各爲細末。合研極勻。水打成丸。如綠豆大。遇前證。與一錢。未起者卽起。已起者卽灌漿。不收靨者收靨。神奇之極。毋視爲尋常也。

●張仲景傳治痘法

痘瘡初起方

白芍 二錢

柴胡 一錢

當歸 一錢

陳皮 五分

荆芥 八分

防風 三分

生地 二錢

甘草 一錢

桔梗 一錢

麥冬 一錢

乾葛 一錢

右藥水煎服。二劑。痘瘡惡者必變爲良。若預防痘瘡入眼。可加蟬退七箇。預防痘入咽喉。可加桔梗一錢。

●痘瘡出齊方

人參 一錢

黃芪 一錢

甘草 一錢

白芍 二錢

生地 二錢

麥冬 二錢

柴胡 八分

紅花 五分

右藥水煎服。有熱加黃連五分。或黃芩一錢。梔子一錢亦可。有驚加蟬退去翅足三分。色黑加肉桂五分。大便閉結不通加大黃三分。腹痛加芍藥一錢。甘草一錢。泄瀉加茯苓一錢。有汗倍加黃芪。有痰加白芥子一錢。癢加荆芥子六分。身痛加廣木香三分。色白者寒也。加肉桂一錢。人參黃芪俱多加。痘瘡頭不突者氣虛也。倍加黃芪。腰不滿者血虛也。加當歸一錢。熟地二錢。

●痘瘡將回方

人參 一錢

白朮 一錢

茯苓 一錢

甘草 五分

桔梗 三分

右藥水煎服。升提其氣。而又益肺金。使皮毛得諸補藥之益也。有紅紫
乾燥黑陷者。熱未退也。本方加黃芩一錢。如痘色白或黑灰或黑色而
陷者。寒且虛也。加肉桂三分。人參一錢。灌膿倍加人參。再加黃芪二錢
當歸二錢。泄瀉加乾薑五分。茯苓一錢。心慌悶亂。多加人參。嘔吐亦加
人參。乾薑。身癢加廣木香三分。當靨不靨。多加人參。大便閉加大黃三
分。口渴乃熱也。加麥冬二錢。玄參一錢。失音加石菖蒲三分。桔梗一錢。
痘瘡入眼成翳者。加蟬退五分。從前初起方中。卽加蟬退七箇。則目無
痘矣。咽喉中防其生痘者。初起方卽用桔梗一錢。卽無此證。小兒痘證。
有此三方。再無死法。神而通之。可稱神醫矣。壞證亦以此方治之。無不

生者。總之小兒宜補不宜散。一言盡之矣。

●秦真人傳壞證方

治痘瘡壞證已黑者。人將棄之。此方下喉卽活。

人參 二錢

陳皮 一錢

蟬脫 五分

玄參 二錢

當歸 二錢

荆芥穗 一錢

右藥用水二鍾。煎八分。灌下喉中卽活。大約壞證皆元氣虛。而火不能發也。我用人參以助元氣。用玄參以去浮游之火。用陳皮去痰開胃。則參無所礙。而相得益彰。荆芥以發之。又能引火歸經。當歸以生新去舊。消滯氣。蟬脫亦解毒去斑。世人如何知此妙法。初起者不可服。必壞證乃可。一劑卽回春。不必再劑也。

●天醫雷公傳痘瘡壞證方

痘瘡壞證。最爲可憐。身如黑團之氣。口不能言。食不能下。世人到此。盡棄之溝中。醫者到此。亦置而不顧。誰知盡人皆可生之乎。吾有奇方。名必全湯。

人參

三錢

玄參

一兩

荊芥

一錢

陳皮

三分

金銀花

一兩

右藥水煎五分灌之。下喉而眼開。少頃而身動。久之而神氣回。口能言。食能下矣。不必再服他藥。痘瘡自而生全。至奇至神之方也。蓋痘瘡壞證。皆氣虛而火不能發也。火毒留於中而不得洩。故形如死狀。其實臟腑未壞。我用參以固元氣。用玄參以去火。用金銀花以消毒。用陳皮以

化痰。用荆芥以引經而發出於外。內中原有生機。所以一劑即回春也。

岐天師傳治痘瘡回毒方名爲回毒即消丹

金銀花

五錢

生甘草

一錢

人參

二錢

玄參

三錢

右藥用水二碗煎三分。與小兒服之。一劑即消。大約二劑全瘳。不須三劑也。付符一道。焚在藥中煎汁神效。凡服藥不效者。焚符於藥中。煎藥與小兒飲之。十人十生。



呪曰。小兒有病。病魔作祟。吾

今施符。治無不瘳。吾奉

天師岐真君律令勅。書符前後念一遍。焚於藥內又念一遍。書符時默想岐伯天師。此祕訣也。

認痘疔訣及鍼灸

痘疹奇書中卷

痘初發綻點。仔細看兒遍身有疔痘否。如有疔痘。此非藥餌所能去者。急用銀鍼挑之。點二妙丹。如巳時挑過。午時卽起發貫膿。爲效甚速。故先要識得怪疔望疔。怪痘者。眾痘未熱先標。未長先膿。其膿且滿而黃。名爲怪痘。望痘者。眾痘未熱先出。形似癰癤。有白果大者。有核桃大者。且鞭而有紅根。又非銀鍼之可挑者。急用獨蒜艾葉灸之卽瘡。起死回生。只在一鍼一灸之微。真仙傳之祕訣也。

●製二妙丹方

明雄黃二兩。夾石者不用。雌黃二兩。用鞭豆腐一大塊。約長寬厚各四寸。中挖一孔。深可一寸。先將雌黃入於底下。次再加入雄黃。仍用豆腐塞蓋其口。并用水和麥麪密封其縫。勿令洩氣。豆腐須用堅實而鞭者。

如若稀軟。或至落底洩氣。則雄黃不靈矣。二黃入豆腐內。依前法封固。用武火四圍烤炙。待豆腐之色現黃。換用文火徐徐炙之。以封口之麪燥乾爲度。冷定後。單將雄黃取出。入磁瓶內。黃蠟封口。勿使洩氣。雌黃不用。待點痘疔時。取雞冠血入黃酒。將丹調稀點之。

●痘神鍼式

鍼用銀製。長約二寸半至三寸。重約三分。鋒銳而扁。尾平而方。

●煮鍼法

甘草

甘遂

川烏

草烏

右四味等分。用水一鍾。入砂礮內煮之。以水乾爲度。每次可煮四五鍼。煮完入鵝翎筩內。兩頭蠟塞收之。

●用鍼手法

用鍼挑兒痘時。以二指拏鍼。杳二萑葉寬。平平入痘。撥斷痘中筋絡。眾痘卽發。不可直上破頂。不可直下傷肉。不可傍穿破皮。輕重疾徐之閒。有得心應手之妙。須三四五六日上漿之時。痘可含鍼。方宜挑撥。過此亦無用矣。此是真訣。留心玩之。

●眼珠上出痘

信驗

三日內。以鮮蝸牛去壳用肉。點三四次。卽移去。或用鮮白蝦肉點之。或用新象牙磨水。滴入眼。均可移去。

●痘瘡發癢

集驗方

蠟梅樹葉

不拘多少

煎湯用棉花蘸擦癢處卽止

●岐天師治水痘方

亦治熱證而有水氣者

柴胡

一錢

茯苓

二錢

桔梗

一錢

黃芩

五分

竹葉 十片

燈草 一團

生甘草 五分

右藥水煎服。有痰加天花粉三分。有食加山查三粒。麥芽三分。有火加黃連一分。餘可不必。有此一方。水痘無難治矣。

●神效稀痘方

集驗良方

凡小兒痘瘍驚風等證。皆由先天胎毒蘊結之故。初生三日以內。至遲七日以內。自尾閭至腦後風門骨。用生雞蛋清加薑汁少許。逐節輕輕研擦。男用左旋。女用右旋。週而復始。有毛出如髮。尾閭須多研。愈研愈出。將黑毛拔盡。終身不出痘。卽出亦惟數顆。且無驚搐之證。如六九日再研更好。

●止痘丹

辨證

小兒天花。治不得法。多致不救。世傳稀痘截痘等法。或驗或不驗。無確

實把握。種牛痘者。係以毒制毒。強制壓迫。使不出現。其實毒皆蘊伏於內。故每遇天花流行。輒須復種牛痘。恐其乘機而發也。可見種痘並非根本肅清之法。夫兒感父母之淫氣。乃生痘瘡。解其淫氣。而又助以化毒之品。痘證自無。前人亦知此意。然未能深窺痘毒之源。與解毒之藥。故終鮮成效。蓋解毒之品。未有不損人元氣者。元氣一虛。毒即難解。且毒成於火。而清火必用寒涼之藥。但小兒脾胃最忌寒涼之藥。一服寒涼。土氣匱乏。火毒又安能外泄乎。此其所以不易爲力也。今逢異人傳方。法平平而取效實奇。方名止痘丹。

生甘草 一錢

金銀花 三兩

元參 一兩

川貝母 五分

苦參 三錢

丹皮 三錢

黃芩 二錢

右七味。擇天赦日。以水二碗。煎至一碗。去渣。用汁再煎至三分。加入雲茯苓細面五錢。調拌爲丸。如米粒大。俟兒滿半週時。用蜜少許。拌此藥與小兒食之。二日服完。必下黑糞。痘毒盡去。永不出痘矣。

●張仲景傳治四時疹方

疹乃熱也。不可用人參白朮。當用補血而不可散血。俱宜切記。方用

當歸

二錢

玄參

三錢

升麻

三分

甘草

二分

乾葛

一錢

右藥水煎服。此治疹奇方也。有此奇方爲骨。又出入加減可也。心火熱極加黃連三分。肝火加梔子六分。肺火加黃芩一錢。麥冬一錢。辨各經病。亦看小兒山根之色。然看之時。須令洗去面上塵土。細看之。痘疹全書統諸證以立言。而余總祕要以傳方。有此奇方爲骨。參之彼書。出入

加減。神奇之極矣。

○岐天師治夏日發疹方

蘇葉 一錢

麥冬 二錢

桔梗 一錢

生甘草 一錢

升麻 五分

生地 二錢

玄參 三錢

青蒿 三錢

右藥水煎服。

○雷公傳治疹方

凡疹初起。小兒必發熱。口必大渴呼水。其發疹之狀。如紅雲一片。大約發癩相同。但癩無頭粒。而疹有頭粒。頭如蚤咬之狀。無他別也。我今傳通治四時之疹。方用

玄參 三錢

麥冬 二錢

蘇葉 一錢

天花粉 一錢

升麻 五分

陳皮 三分

甘草 一錢

金銀花 三錢

生地 三錢

黃芩 八分

桂枝 二錢

右藥用水鍾半。煎五分。熱服。凡有疹子。無不神效。惟夏天加青蒿三錢可也。小兒初生數月減半。一週外俱照此方分兩。不必再傳方也。服吾方一劑即瘳。何至三嘔。

●小兒發熱二三日。肌膚之間。隱隱發出紅癍點。如物影之搖動。時有時無者。此影疹也。 陳士鐸方

人以為發癍之傷寒也。誰知是出疹發表。熱毒外散。偶遇大風大寒生冷之犯。故皮膚虛塞。毒氣內收。壅住於腠理之中乎。其證皮膚之際。片片皆紅。紅或變白。白或轉紅。紅或變紫。氣喘腹滿。甚而作痛。毒氣入臟。

欲出不能。存亡頃刻。至危之病也。治之法。必須化癩。而不必治疹。蓋疹與癩。總皆熱毒耳。方用消癩化疹湯。

玄參 五錢

歸尾 三錢

石膏 二錢

白芍 五錢

地骨皮 二錢

丹皮 三錢

荆芥 二錢

木通 一錢

青蒿 三錢

升麻 一錢

麥冬 三錢

甘草 一錢

右水煎服。一劑而癩化疹散。二劑而消歸於烏有矣。此方不多用大寒之品。止用微寒之味者。以疹癩之病。雖起於大熱。然亦因臟腑之乾燥。內無水制而外現也。今滋其津液。則水足以制火。又得引火解毒之藥。直走皮膚。火毒欲內攻而不可得。安得不外泄而解散乎。况方中用玄

參爲君。原能清浮游之火。又何必多用大寒。以撲滅其炎威。而傷我臟腑乎。所以奏功既神。而又無其大害耳。

○小兒出疹。口中大渴。父母暢與之水。快甚。遂恣其酣飲。乃嘔吐不止。因變瀉痢。喘嗽不寧。小便不利。陰囊浮腫。脅痛筋軟。膨脹之證生。

陳士鐸方

此證人以爲火熱之不解也。誰知皆飲水過多。水畜不消之病也。夫心火充炎。因而作渴。飲水必入於心。心不受水。而傳於脾。爲嘔吐瀉痢矣。傳於肺。爲咳嗽矣。傳於腎。爲小便閉。而囊腫矣。傳於肝。爲脇痛筋軟膨脹矣。夫水本剋火。然水多則滯。火反爲水。以滋其沸騰。疹消而他病生焉。治之法。不必治疹。而惟在於分消其水勢。水涸而疹亦痊矣。方

用分水清疹散。

茯 苓 三錢

車前子 三錢

木 通 二錢

豬 苓 二錢

薏 仁 二兩

桔 梗 一錢

荆 芥 五分

白 朮 二錢

水煎服

右服一劑水從小便出矣。連服二劑。水盡而瘡。此方專治水也。止用桔梗荆芥。以少提其氣。不特水氣因升提而下行倍速。且使餘疹亦從膀胱而下泄也。但二味既是提氣。何不用升麻提之。不知升麻提氣。必使疹毒由皮毛。而反足以擗利水諸藥之肘。不若荆芥桔梗。雖提氣而不走皮膚。反能佐二苓群品。共走膀胱水與疹而同治也。

●小兒發疹之後。牙根潰爛。肉腐出血。臭穢冲鼻。

陳士鐸方

此證人以爲餘毒未淨。身上游熱之不退也。誰知皆醫治疹而不治火毒之故。使熱積皮膚不用解散清涼之劑。以致毒火入胃。久而不散。因而作崇也。此等之病。必須仍散其火熱之毒。倘不知治法。縱兒恣食肥甘。溼熱動蟲。勢必變爲走馬牙疳。穿腮落齒。或面頰浮腫。環口青黑。層崩鼻壞。生瘡作癢。肉腐脣敗。而不可救者多矣。方用救疹散毒湯。

玄參 三錢

甘草 五分

黃芩 一錢

茯苓 三錢

白朮 十枝
去壳

白微 一錢

青蒿 三錢

麥冬 三錢

陳皮 三分

荆芥 五分

生地 三錢

干葛 一錢

右水煎服。一劑輕。二劑又輕。三劑全瘳。此方乃和解之味。而不用大涼之藥者。以疹病既瘳。其勢雖盛。而火毒實輕。正不可以外證之重。而卽用重瀉之味。以劫奪之也。世人一見此證之病。輕用苦寒瀉藥。往往輕變重。而重變死。不可不慎耳。

溫毒發癩與疹子不同辨

初起身中壯熱。二三日周身出紅點。紅者輕。紫者重。黑者危。此證神昏譫語。煩滿狂亂。洋醫稱爲猩紅熱。形與疹子相似。而實不同。時醫誤認爲癩爲疹。以山川柳羌活柴葛等藥升發。如火增薪。草菅人命。蓋疹子由頭面上發。顆粒有尖。而癩由脖項中發。漸至周身四肢。光潤成片。色如丹砂。細看點點稠密。其癩上皆出白痧。惟頭面不出。出則毒火益甚。

尤爲險證。每見有溫毒發癩。癩痧退後。隨即周身脫皮者。此時宜謹避風寒。誠恐溫毒甫清。表邪外襲。必作腫而變他證。若疹子則無脫皮之事。此其異也。

溫毒發癩

俗稱瘟疹。西醫名爲猩紅熱。

雷公曰。人有一時身熱。即便身冷。而滿體生癩如疹者。乃火從外泄。而不得盡泄於皮膚。故鬱而生癩。人盡以爲熱也。用寒涼瀉火之藥不效。有癩不得消而死者。亦可傷也。宜用消癩神效湯治之。此治大人之藥劑也。小兒酌減。

玄參

一兩

麥冬

一兩

升麻

三錢

白芷

一錢

沙參

三錢

丹皮

五錢

白芥子

三錢

右藥水煎服。一劑癩勢減。再劑癩紋散。三劑癩影盡消矣。此方妙在用
玄參麥冬以消癩。尤妙在升麻多用。引玄參麥冬以入於皮膚。使羣藥
易於奏功。而癩無不消也。

兒科輯要卷四目錄

頁數

赤白遊風證狀及治法

一

論丹毒

一 飛竈丹

證從頭頂上紅腫起。

二 吉竈丹

證從頭上向腦後紅腫。亦有腫而作痛者。更有渾身發燒者。

二

三 鬼火丹

證狀面上先赤腫。漸漸由頭而下。漫延至身亦赤腫。

四 天火丹

證狀先從脊背起赤點。後漸漸赤腫成一片。

三

五 天竈丹

證狀從兩臂起赤腫。少黃色。或止於一臂見之。

四

六 水激丹

證狀初生於兩脇。虛腫紅熱。

七 胡次丹

證狀先從臍上起黃腫。

五

八野火丹

證狀從兩骭上起。赤腫痛甚如火燒。

九煙火丹

證狀有從兩足跗起赤色腫痛。亦有從足底心起者。

十胡漏丹

證狀從陰上起黃腫。

孫真人傳治火丹神效方

附錄良方

婦女回生丹

●赤白遊風

赤白遊風。往來不定。小兒最多。此證有似發斑。但發斑有一定之根。而赤白遊風無一定之包。此胃火鬱熱不解。故亦結瘡而不癢。治之法。必須清熱。而清熱又必須涼血。蓋血寒則凝滯不行。雖火得血而可止。終不能散火。此清火消丹所以妙也。

●清火消丹湯

岐天師傳治赤白遊風丹

生地

一兩

丹皮

三錢

甘草

一錢

玄參

三錢

牛膝

二錢

赤芍

三錢

天花粉

一錢

右藥水煎服。二劑消半。四劑全消。小兒減半。赤遊丹又可外治。用積年胞衣所化之水和金汁塗之即消。神效。

●論丹毒

洞天奧旨

丹毒之證。多在小兒出胎後五六日至兩三月之閒發生。係父母胎毒所成。凡在百日以內發生者。不論何種。皆胎毒也。須於三日以內治之。遲則無及矣。兒生百日之外。始發丹毒者。稍遲數日。尙不至於死亡。然亦必須急治。不可令其入腹。一入腹卽難救。故腹脹不能飲乳者。必死無疑。以其胃氣絕也。凡能飲乳者。是胃氣未絕。皆可治療。丹毒證分十種。各附治法。列載於後。臨證辨明種類。依法用藥。治之宜早。俾免燎原。倘或施治稍遲。攻入腸胃。十無一生。可不慎乎。

●一飛龍丹

證從頭頂上紅腫起。此火毒在泥丸也。本是難救。然急用芫柏散塗之。

卽消。

● 芫柏散

白芫 三錢

黃柏 三錢
炒

右藥各爲細末。另用葱白搗爛。取自然汁。調和極勻。塗頭頂泥丸上。一晝夜卽消。

● 一吉竈丹

證從頭上向腦後紅腫。亦有腫而作痛者。更有渾身發熱者。內宜服防風通聖散加減治之。外宜用紫荊散調塗卽瘡。

● 防風通聖散

世傳方內治吉竈丹

防風

荊芥

連翹

麻黃

薄荷

川芎

當歸

白芍

白朮

山梔子

大黃

芒硝

黃芩

石膏

桔梗

甘草

滑石

各等分

右藥水煎服。

●紫荊散

外治吉竈丹

紫荊皮

赤小豆

荊芥

生地榆

各一錢

右藥共爲細末。鷄蛋清調塗神效。

三鬼火丹

證狀面上先赤腫。漸漸由頭而下。漫延至身亦赤腫也。是手足陽明

大腸

胃與經內風熱。治法宜用白虎湯以瀉胃熱。加防風荆芥薄荷桑白皮葛根以散其風。引其從皮毛而外散也。然大腸亦熱。何故不散大腸之火。不知胃之火甚於大腸。胃火散而大腸火亦散。不必又治之也。但外用伏龍散末。以鷄蛋清調擦之尤妙。

●白虎加味湯

世傳內治鬼火丹

石膏

二錢

知母

一錢

麥冬

三錢

半夏

一錢

防風

五分

荆芥

二錢

薄荷

一錢

甘草

一錢

葛根

一錢

竹葉

三十片

桑白皮

二錢

右藥水煎服二劑。

●伏龍散

家傳外治鬼火丹

伏龍肝末 三錢

炒黃柏 三錢

右藥共爲細末。鷄蛋清調擦神效。

○四天火丹

證狀先從脊背起赤點。後漸漸赤腫成一片。是腎督脈中熱毒。兼足太陽膀胱經風熱。宜治腎而兼治膀胱爲是。不可純用防風通聖散也。外用桑榆散敷之。則得之矣。

○解苦散

岐天師傳內治天火丹

玄參 五錢

生地 五錢

羌活 一錢

黃柏 二錢

升麻 五分

丹皮 三錢

白茯苓 三錢

右藥水煎服。四劑自散。

●桑榆散

家傳外治天火丹

地榆

二錢
生用

桑白皮

二錢

羌活

一錢

玄參

三錢

右藥共爲細末。羊脂溶化調塗。

●五天竈丹

證狀從兩臂起赤腫。少黃色。或止於一臂見之。皆手陽明大腸經風熱。內服解毒之藥。外敷柳灰散。亦易瘡也。蓋天竈丹乃丹毒之最輕者。故亦可輕治之耳。

●輕解散

岐天師內治天竈丹

防風

五分

麥冬

三錢

生地

三錢

桑白皮

二錢

黃芩

一錢

柴胡

八分

白芍

三錢

天花粉

五分

右藥水煎服二劑。

●柳灰散

外治天竈丹

柳枝炭

五錢

荊芥

炒二錢

滑石

三錢

生甘草

二錢

右藥共為細末。水調塗之即瘡。

●六水激丹

證狀初生於兩脅。虛腫紅熱。乃足少陽膽經風火也。此丹亦熱之輕者。治膽經之火而去其風。可計日而全也。方用加味小柴胡湯最神。外更以敷藥塗擦。又何慮乎。

●加味小柴胡湯

內治水激丹

柴胡 一錢

半夏

五分

甘草

五分

黃芩

一錢

陳皮 三分

白芍 二錢

防風 五分

荊芥 一錢

右藥水煎服。數劑丹消。

●鐵屑散

外治水激丹

生鐵屑 二錢

母猪糞燒灰 二錢

右共爲細末。臘雪水調塗妙。

●七胡次丹

證狀先從臍上起黃腫。是任脈溼熱也。去其溼熱。丹毒自散。古人用三黃解毒湯。未免過峻。恐小兒氣虛難受。岐天師傳授化溼飲方。治之尤覺安穩。更用檳榔散外治。萬無一失。

●化溼飲

岐天師傳內治胡次丹

白菓 十箇

白朮 一錢

黃柏 二錢

山藥 二錢

茯苓 三錢

澤瀉 一錢

木通 一錢

赤芍 二錢

荆芥 一錢

天花粉 一錢

右藥水煎服。

● 檳榔散

外治胡次丹

檳榔為末 二錢

生甘草末 一錢

研和極勻。

右末用米醋調擦自癒。

● 八野火丹

證狀從兩骹上起。赤腫痛甚如火之燒。乃足陽明胃經風熱也。內服涼膈散。外以羊脂調消腫散塗之。自易癒也。此證雖火盛極。不可信是胃

經熱熾。而竟用石膏湯與瀉黃散也。蓋小兒脾胃欠實。不禁大瀉。恐胃氣損傷。轉難救耳。

●涼膈散

世傳內治野火丹

連翹 二錢

大黃 一錢

芒硝 五分

甘草 一錢

梔子 二錢

黃芩 二錢

薄荷 一錢

茯苓 一錢

右藥水煎服二劑。

●消腫散

岐天師傳外治野火丹

乳香 一錢

白芨 一錢

火丹草 一錢

右藥共爲細末。羊脂調塗妙。

●九煙火丹

證狀有從兩足跗起。赤色腫痛。乃足三陽。勝胱經風熱也。亦有從足底心起者。乃足少陰。腎經大熱也。治法內服滋陰抑火之藥。使水旺足以制火。更兼用末藥外治爲妙。

○抑火制陽丹

岐天師傳內治煙火丹

玄參

五錢

黃柏

一錢

豨薟草

二錢

生地

三錢

熟地

一兩

丹皮

三錢

細甘草

一錢

沙參

二錢

芩膝

一錢

金釵石斛

二錢

右藥水煎服。

○柏土散

家傳外治煙火丹

猪槽下土

黃柏末

蜜調塗之自瘡。

● 十胡漏丹

證狀從陰上起黃腫。乃厥陰肝經虛火發於外也。治法宜內服補陰清火散風之藥。外用屋土散調塗可瘉。倘用當歸龍薈丸與瀉青散。皆不能成功耳。

● 清散湯

岐天師傳內治胡漏丹

白朮

一錢

茯苓

一錢

甘草

五分

當歸

二錢

梔子

炒一錢

黃柏

一錢

防風

三分

生地

二錢

麥冬

二錢

蔓荊子

一錢

水煎服

● 屋土散

岐天師傳外治胡漏丹

屋瓦上陳土

炒黃柏

生甘草

右共爲細末。蜜與醋同調塗卽消。

以上十種丹證之外。更有一種紅線痛者。難以救援。蓋以父服熱藥。遺傳在胎。非藥所能解耳。

●孫真人傳治火丹神效方

絲瓜子 一兩

柴胡 一錢

玄參 一兩

升麻 一錢

當歸 五錢

水煎服。一劑卽消。

經驗良方目錄

頁數

小兒初生治法芻言

一

一小兒落地之治法

二小兒初生之服食法

三小兒初生之方劑

理中法

二

桂枝法

三

吳茱萸法

四馬牙治法

五夜啼治法

六急驚慢驚證之分別

急驚證治

慢驚證治

七小兒食積外治法

○小兒初生治法芻言

四川鍾明理述

小兒爲稚陽之體。初生之際。最易感受外邪。然旋感旋出。而使其他臟腑經絡受病。或則傷及元氣。而變證出焉。故治者常不見效。而諱爲不治之證。甚至巧立名目。諱之曰風。豈不謬哉。聞之青城張先生門下劉君三俊。所傳小兒治法數條。屢試神效。張公隱者也。慧心獨到。當能發前人未發之祕。故述之以公諸當世云。

○小兒落地時之治法

小兒初生之際。在未開聲而口微動時。將口中所含血塊掏出。則不致發病生疾。并於豆疹亦無危險。且終身無惡疾。其人更多壽。惟此事頗不易爲。粗率不可。遲緩不及。總宜於事前專用一細心人任之。

●小兒初生之服食法

胡桃肉

甘草

黑糖

又名紅糖

小兒生後。不可驟與乳汁。因惡露未盡。易種病根。元氣未充。易傷脾土。腸胃不堅。易致停滯。此小兒種種病疾之所由來也。故以二日內不食爲宜。法以胡桃又名桃核肉。用熱水泡後。去皮搗爛。用新絹或新白布洗淨。作一小包。如鈕大。外用甘草黑糖又名紅糖煎濃汁溫熱。取出少許。以所做小包浸入。隨以包納小兒口中。使之吮吸。少時取出。再浸再與。日數十次。至二日後與乳。則不致受病。或曰豈不餓壞。試問五月胎成。十月方生。數月又豈不餓壞乎。更有忠告於世之爲父母者。貧苦之家。其子女未聞多病者何也。常帶有些子飢寒故也。

●小兒初生之方劑

小兒初生。不與乳食。尤不可擅用方藥。然古法有用三黃湯等藥。作湯治之。實爲不可。世上風行之臍風散化風丹抱龍丸尤爲不可。古法又有用大黃銀花者。不知大黃太猛。銀花太寒。星星元陽。豈堪斲喪。况化風丹抱龍丸。皆大寒沈重之品。金石獨多。爲害甚大。無病則以不藥爲高。如果有病。眼下隱隱現黃色。或喜哭。不喫乳時。用理中桂枝等法治之。較爲妥善。蓋今人之秉賦既弱。得天不厚。已有培之不及之虞。故萬不可濫用猛烈之劑也。

●理中法

白朮 三錢

炮薑 一錢

人蔘 錢半

炙草 一錢

水煎服

小兒眼下黃。或面部黃。或黃在膚裏者。係胎中溼氣也。加白茵陳二錢。然理中之法。人或疑之。不過因初生小兒。元陽不足。腸胃嫩弱。必致上下之氣不能暢達。故用理中之法。用蓰以固中宮之陽氣。白朮以培土。乾薑以暖胃蕩邪。甘草以溫中宮和營衛。且薑得朮。能除滿而止吐。人蓰得甘草。能療痛而止痢。故小兒初生之病。不外營衛不和。外邪易入。若不從培養根本下手。則失之矣。若牙關緊閉。不得食乳。是上下隔絕。中氣未舒。非風也。此方亦治之。故理中之法。爲小兒之主方。

● 桂枝法

桂枝

錢半
去皮

芍藥

錢半
酒炒

甘草

五分

大棗

三枚

生薑 三片

水煎服

小兒夜啼不止。或時哭時止者。必爲腹痛。此下地時感受風寒而爲病。然其病不傳於頭而入腹。仍當用桂枝法治之。此太陽病也。因小兒之經絡未全。病狀亦異。以桂枝能宣通陽氣。制止肝邪。芍藥能益陰斂血。內和營氣。若倍加芍藥。卽可以建中。生薑之辛。佐桂解肌。大棗之甘。佐芍和裏。桂芍相須。薑棗相得。是陰陽表裏。並行不悖。而剛柔得濟焉。

● 吳茱萸法

吳茱萸 錢半

人蔞 三錢

生薑 三片

大棗 五枚

水煎服

小兒乾嘔吐涎。或手足厥冷。或煩燥不安者。以此治之。因吳茱萸入肝

能溫中降逆而散寒。加以人糞固元氣而止嘔吐。則煩燥可寧。薑棗調和營衛。則陽氣可敷於四肢而手足自溫矣。至乾嘔無物。胃虛可知。吐涎胃寒可知。邪入少陰矣。治以吳茱萸法。又何疑焉。

●馬牙治法

小兒初生。二三日內。在牙齦上發生小白點。久則成爲不治之證。此臟腑之熱所化。胎中感受毒氣而成者也。治法用小銀挖耳刮下。後用江米又名糯米泡水。以新青布以靛染者爲相宜一小塊。裹食指。蘸米水洗之。時時勤洗。則毒自除。又用新鮮豬肉。去油脂。切薄片裹指上洗口。亦能去口瘡口熱諸疾。

●夜啼治法

花火膏

小兒夜啼者。用清油燈上所結燈花一顆。塗乳上。令兒吮之。卽癒。

●急慢驚證之分別

小兒急慢驚證。寒熱懸殊。分別不易。而世之執古方者。亦往往誤會。因而殺人。屢見小兒之殤。實爲方劑之誤。更有始終不悟者。故提其大綱而辨之。俾閱者一目卽了。更有進者。市坊之藥。萬勿輕用。總之誤熱則可救。誤寒則難醫。抱龍丸化風丹截風錠等。皆金寒水冷。沈重滯澁之品。以初生之體。元陽未足。發育未全。豈能受之乎。故分述如下。

●急驚證治

小兒急驚。因受大聲。或其他驚震。甚而發搐。搐止如故。此熱生於心。身熱面赤。引飲。口中氣熱。二便黃赤。甚則發搐。蓋熱極則生風。陽盛而陰

虛也。當除其熱痰。養陰以制陽。然此種病。不過百之四五。切勿用過於寒涼之藥。

●慢驚證治

小兒慢驚。因病後失調。或吐瀉。或誤服寒涼。傷損脾胃。而肢體逆冷。口鼻氣微。手足癱瘓。昏睡露睛。髮黃柔細。大小便白。此脾虛生風。無陽之證也。治宜甘溫以回陽。誤用寒涼之品。則立即危殆。當以理中建脾之法治之。

小兒初生。發熱嘔吐。身體強直。手足抽掣。目反直視。胎中受驚也。宜以人守伺撫抱自安。

●小兒食積外治法

皮硝 三錢

小兒食積黃瘦。如藥物有誤。反致傷生。不如外治。免生危險。其法用皮硝二三錢。用布包好。安放臍上。外用布帶束緊。如有食積。則化而爲水。即可內消。如無食。則硝仍存在。於人亦無傷損。誠良法也。

● 婦女回生丹

一 臨產用參湯調服一丸。分娩全不費力。如無參。用淡淡炒鹽湯亦可。柯集庵曰。凡胎已成。子食母血。月足血成塊。謂之兒枕。將產。兒枕先破。血裹孩兒。故難產。服此逐去敗血。須臾自生。

橫生、逆生、同治。須令穩婆將兒手足推入。然後用參湯調服一二丸卽下。

因氣血虛損難產者。宜多用人參爲引。

二 子死腹中。因產母染熱病所致。用車前子一錢煎湯調服一丸。或二丸至三丸。無不下者。

若因血下太早子死。用人參車前子各一錢煎湯調服。如無參。用

陳酒少許煎車前子湯調服亦可。車前子宜用麻布包裹煎湯服之。以免誤吞其渣。

三 胎衣不下。用炒鹽少許泡湯。調服一丸。或二三丸卽下。

四 產畢血暈。用薄荷湯調服一丸卽醒。

以上四條危證。乃臨產緊要關頭。一時卽有名醫。措手不及。起死回生。此丹必須預備。

五 產後三日。血氣未定。還走五臟。奔充於肝。血暈。起止不得。眼見黑花。滾水調服一丸立癒。

六 產後七日。氣血未定。因食物與血結聚胸中。口乾心悶煩渴。滾水調服一丸立癒。

七 產後虛羸。血入於心肺。熱入於脾胃。寒熱似瘧。實非瘧也。滾水調

服一丸立瘡。

八 產後敗血走注五臟。轉滿四肢。留停化爲浮腫。作渴而四肢覺寒。乃血腫。非水腫也。滾水調服一丸立瘡。

九 產後敗血熱極。中心煩躁。言語顛狂。非風邪也。用滾水調服一丸立瘡。

十 產後敗血流入心孔。閉塞失音。用甘菊花三分桔梗二分煎湯調服一丸立瘡。

十一 產未滿月。誤食酸寒堅韌之物。與血相搏。流入大腸。不得剋化。泄痢膿血。用山查煎湯調服一丸立瘡。傷肉食者用山查。傷米食者用麥芽。傷麪食者用蘿蔔子。煎湯調服。

十二生產時。百節開張。血入經絡。停留日久。虛脹酸疼。非溼證也。宜用蘇梗三分煎湯調服。一丸立瘥。

十三產後月中。飲食不得應時。兼致怒氣。餘血流入小腸。閉卻水道。小便澁結。溺血似雞肝。用木通四分煎湯調服。又或流入大腸。閉卻肛門。大便澁難。有瘀血成塊。如雞肝者。廣陳皮三分煎湯調服。一丸立瘥。

十四產後惡露未淨。飲食寒熱不得調和。以致崩漏形如肝色。潮熱煩悶。背膊拘急。用白朮三分廣陳皮二分煎湯調服。一丸立瘥。

十五產後血停於脾胃。脹滿嘔吐。非翻胃也。陳皮三分煎湯調服立瘥。
十六產後敗血入五臟六腑。並走肌膚四肢。面黃口乾。鼻中流血。徧身

斑點。危證也。陳酒化服可瘳。

十七產後小便澁。大便閉。乍寒乍熱。如醉如癡。滾水調服立瘳。

十八產後血崩。糯米湯調服。

十九產後赤白帶下。阿膠艾葉煎湯調服。

二十產後嘔吐。陳皮生薑煎湯調服。

廿一產後瀉血。大棗煎湯調服。

廿二產後咳嗽不止。五味子五粒蘇葉一錢煎湯調服。

廿三產後傷寒。頭疼身熱。無汗加麻黃三分。葱薑煎湯調服。

廿四產後傷風頭痛。身熱自汗。冬加桂枝。春夏加防風白朮末各三分。

葱薑湯調服。

廿五產後喉中似蟾鳴。敗血沖遏於心。轉入肺。肺主氣。血沖心。氣與血俱結成一塊於喉中。聲似蟾鳴。人以爲怪。得此證者。十不救一。服此丹可瘳。

廿六產後便澁。腰痛似角弓。姪婦百日之外。血氣方滿。今在月中七日之外。食油麪爽口之物。以致煩燥不得安寧。因循不肯服藥。兼傷房事。或久病後坐臥當風。取其一時之快。不肯房事將息。宜乎有此事也。急服此丹卽瘳。

以上危證。皆產後敗血爲害也。故此丹有奇功。

廿七產後一切異證。醫人不識。人所未經。但服此丹。無不立安。倘一丸未應。二丸三丸必效無疑。

廿八胎前常服此丸。壯氣養胎。滋陰順產。調和臟腑。平理陰陽。更爲神妙。

廿九治經脈不通。婦人經脈猶溝渠也。溝渠壅塞。則水道不行。婦人氣閉。則經水不通。切勿因循養病而喪軀。要急服此丹以通流之。保其天和。遂其化工。美哉妙哉。

三十治婦人月信前後不一。空心酒化服卽準。

卅一治室女經痼不通。室女經脈與婦人不同。隱匿於胞絡。漸入子宮。至十三四歲出現。始知人事。苟或喜怒寒溼溫熱失宜。以致經不通。痼乾涸也。宮中癸水不行。猶地之水淤逆而乾涸也。室女身中亦猶是也。易曰。天一生水。地六成之。先服四物湯三五劑。使癸水

生於宮中。然後服此丹引導流通。不可聽庸醫作癆瘵治也。四物湯方如左。

當歸

三錢
酒洗

熟地

三錢
忌鐵器

芍藥

二錢
酒炒

芎藭

一錢半

水煎臨臥服。

卅二治室女經痼不通。加蓬朮三分 薑黃五分 赤芍二分 天花粉四分

俱爲細麩。同酒化開。不拘時服。經自然通矣。

室女閉經。月水不調。眾疾彙聚。服此丹者。諸病悉除。無不神效。善人君子。或製丸。或印送。俾天下閨中。免此難證。則幸甚矣。原方如左。忌鐵器爲要。

黑大豆

精選三升。不用。將殼水浸。取殼。用絹袋盛。同豆煎熟。去豆。不用。將殼晒乾。研極細。約得六兩。其汁留用。

綿紋大黃麩 研一斤 極細

蘇木 三兩 煎汁三盤 聽用

藏紅花 三兩 煎三五滾 去渣留汁聽用

米醋 九斤 陳者佳

將大黃細麩一斤入淨沙鍋。下米醋三斤。文火熬之。以長竹片不住手攪之成膏。再加醋三斤熬之。又加醋三斤。次第加畢。然後加黑豆汁再熬。次下蘇木汁。次下紅花汁。熬成大黃膏。取入瓦盆盛之。大黃

鍋巴亦鏟下入藥。凡收合時。務要虔心。並忌婦人。孝服。雞犬生人。不見之處。方妙。

烏藥 二兩 五錢 去皮

人參 二兩 去蘆

益母草 二兩

當歸 一兩 酒洗

川芎 一兩 酒洗

香附 一兩 醋炒

延胡索 一兩 醋炒

蒼朮 一兩 米泔浸炒

蒲黃 一兩 隔紙炒

雲苓 一兩 乳製

桃仁 一兩 去皮尖去油

懷熟地 一兩 酒蒸如法製忌銅鐵器

川芎 五錢
洗

炙甘草 五錢

地榆 五錢
洗

川羌活 五錢

化橘紅 五錢

白芍 五錢
洗

馬鞭草 五錢

三稜 五錢
醋浸透紙裏煨

五靈脂 五錢
去沙醋煮化焙研細

山萸肉 五錢
酒浸蒸搗爛入藥

良薑 四錢

廣木香 四錢

木瓜 三錢
去穰炒忌鐵器

白朮 三錢
米泔浸炒

秋葵子 三錢

青皮 二錢
去穰醋炒

乳香 二錢
去油去砂提淨

沒藥 二錢
去油去砂提淨

右藥三十味。用上等地道藥材。精選純淨。如法炮製。各曬乾研極細

麩。照單稱準分兩。并前黑豆殼細麩合研極勻。同入石臼內。下大黃

膏拌勻。再下鍊蜜一斤。共搗千杵。取起爲丸。每丸約重三錢。此一料

約得四百丸有零。靜空陰乾須二十日。不可日曬。不可火烘。乾後每

丸重二錢有餘。白蠟爲殼護之。用時去蠟殼。按證查照前開湯引調服之。

●仙人傳授回生丹方始末記

崑山進士方範註
感應篇附刻於後

先祖主事節庵公未遇時。祖母朱安人艱於產。每有性命憂。不得已爲墮胎計。從鄭老醫乞煎劑。投之至再弗效。鄭聞而驚曰。吾此劑無虛發者。今至再而無害。必貴胎也。亟安之。時公家於邑之南新瀆村。暇時偶獨步村西。見一道者。持筐坐塘涇橋下。心異而與之語。灑然有物外之致。筐內有回生丹一封。因請焉。遂手授公曰。藥止一丸。用之神效。他日依方自製。但不可輕示人耳。公出金爲酌。笑而卻。歸視其方。平平也。及產。服其丸立應。是生吾世父矯亭公。官學士。越四年復孕。卽自製服之。

效如前。遂生吾父改亭公。官御史。其他投之無弗奇驗。然後知往日所遇者仙也。而其方仙方也。始珍藏而珍傳之。以及不佞範。凡百五十餘年。不啻拱璧。邇日莊誦感應篇。見一善而有思齊心。見一惡卽有內省心。以至濟急救危二語。豁然有悟。而以此方刻而公之。以附於濟急救危之義。蓋生育雖愚。不肖所恆然。二命存亡在呼吸閒。其危急爲何如。而此方萬投萬應。良非小補。遂附之篇末。庶幾哉。篇中所稱百善之一也。願我同志虔心修製。博施濟眾。並傳報四方。共行方便焉。

○回生丹方論

清代上海名醫柯集庵誌

回生丹保產之仙方也。前有修合送人者。臨產服一丸。坦然快便。不覺其功。但聞製藥齋戒。虔心發願普濟。然後擇一靜室。如法遵行。吳門馬

同學製此丸。蒙以十丸見贈。余知其丹之好。不知其丹之神也。歸卽隨便送人。癸丑冬。有一難產者。子死腹中。余聞而急檢笥。尙有一丸。與服之。死胎立下。母命獲全。人咸驚歎。余遂發願修製送人。迄今已數十年。屢試屢驗。而艱難諸證之獲救者。不下數萬人。但不知此方起於何人。記云。長葛孫奎臺。得之異人傳授。然製法湯引尙有缺處。不若余得者之詳且明也。今併補入。方劑忌鐵器要緊。

古稱黨參爲人參。予今用高麗參。成效亦佳。自丙寅中秋獲得此方。親自監製以來。屢治胎前產後疑難大證。無論遠年宿疾。均皆應手而癒。眞仙丹也。惟藥鋪偷工減料。必需親自監製。方有把握。豈在午會十二運七世第五年中元戊辰歲孟春姚濟蒼附誌